

Sumáriu Kazu

Tribunál Judisiál Primeira Instânsia Suai
Janeiru 2023

Afirmasaun: Sumáriu Kazu tuirmai ne'e deskreve faktu sira no prosesu iha tribunál tuij JSMP nia monitorizasaun independente, no deklarasaun ne'ebé parte sira fó iha tribunál nia laran. Informasaun ne'e la reprezenta JSMP nia hanoin hanesan instituisaun ida.

JSMP kondena maka'as forma violénsia hotu-hotu, liuliu hasoru feto no ema vulneravel. JSMP afirma la iha justifikasi saun ba kualkér violénsia hasoru feto.

A. Sumáriu prosesu julgamentu kazu iha Tribunál Judisiál Primeira Instânsia Suai

1. Totál kazu ne'ebé JSMP monitoriza :25

Artigu	Tipu Kazu	Númeru
Artigu 145 Kódigu Penál (KP), no artigu 2,3, 35 Lei Kontra Violénsia Doméstika (LKVD)	Ofensa ba integridade física simples ho natureza violénsia doméstika (artigu 2 kona-ba konseitu violénsia doméstika, artigu 3 kona-ba relasaun família, artigu 35 kona-ba tipu krime violénsia doméstika no 36 kona-ba krime sira violénsia doméstika nian hanesan krime publiku)	15
Artigu 145 KP & artigu 2, 3, no 35 letra (b) LKVD no Artigu 20 (1), artigu 2 (2 alinea f) Lei Arma Brankas	Ofensa ba integridade fizika simples ho natureza violénsia doméstika (artigu 2 kona-ba konseitu violénsia doméstika, artigu 3 kona-ba relasaun família, artigu 35 kona-ba tipu krime violénsia doméstika no 36 kona-ba krime sira violénsia doméstika nian hanesan krime publiku) no arma brankas	1
Artigu 177 KP	Abuzu seksuál ba menór	1
Artigu 181 KP	Ezibisionizmu seksuál	1
Artigu 295 KP	Pekulatu	1

Rua Beco Lakateu, Aldeia Manu fuik,
Suku Colmera, Administrativu Vera Cruz

Dili Timor Leste

PoBox: 275

Telefone: 3323883 | 77295795

www.jsmp.tl

info@jsmp.minihub.org

Facebook: www.facebook.com/timorlestesjsmp

Twitter: @JSMPtl

Artigu 1757, 1758, 1759, 1762, 1765, 1786, 1782,	Ezersísiu póder paternál	1
Artigu 316 KP	Kontrabandu	2
Artigu 146 KP no Artigu 20 (1), artigu 2 (2 alinea f) Lei Arma Brankas	Ofensa ba integridade fizika agravadu no arma brankas	1
Artigu 244 KP	Dezobediénsia	1
Artigu 217 KP	Flora no fauna	1
Total		25

2. Totál desizaun ne'ebé JSMP monitoriza:20

Tipu pena	Artigu	Númeru
Prizaun	Artigu 66 KP	2
Suspensaun ba prizaun nia ezekusaun	Artigu 68 KP	14
Absolve		1
Omologa pedidu dezisténsia keixa	Artigu 262 KPP	1
Suspensaun ba prizaun nia ezekusaun no selu kustu judisiál	Artigu 68 KP	1
Prizaun no indemnizasaun civil		1
Total		20

3. Total kazu sira ne'ebé adia tuir JSMP nia monitorizasaun: 0

4. Totál kazu sira ne'ebé sei kontinua prosesu tuir JSMP nia monitorizasaun : 5

1. Krime ofensa ba integridade fizika simples ho natureza violénsia doméstika

Nú. Prosesu : 0002/21.ANHTB
 Kompozisaun Tribunál : Singulár
 Juis : Dr. Naason Mário Armindo Marques Doutel
 Prokuradór : Dr. Rafael Jeronimo Gusmão
 Defeza : Dr. Angelmo Pinto
 Desizaun : Pena prizaun fulan 3 suspende ba tinan 1

Iha 09 Janeiru 2023, Tribunál Judisiál Primeira Instánsia Suai prezide julgamentu leitura sentensa ba krime ofensa ba integridade fizika simples ho natureza violénsia doméstika ne'ebé envolve arguidu JdA hasoru nia feen, iha Munisípiu Ainaro.

Akuzasaun prokuradór

Prokuradór akuza katak iha 23 Janeiru 2021, iha oras tuku 17:00 lokraik, arguidu tuku dala rua iha lezada nia kotuk laran no tebe dala rua iha lezada nia kotuk laran rezulta moras no bubu. Antes agresaun ne'e, arguidu dehan ba nia oan sira atu ba serbisu iha rai liur hodi nune'e nia oan sira bele selu fali arguidu nia karau ne'ebé oho ba nia banin mate, ho nune'e arguidu ho lezada diskute malu no mosu agresaun hirak ne'e.

Prokuradór akuza arguidu kontra artigu 145 KP kona-ba ofensa ba integridade fizika simples ho moldura penál tinan 3 ka multa konjuga ho artigu 2, (a) 3 (a), 35 (b) no 36 LKVD.

Produsaun ba prova sira

Iha prosesu julgamentu, arguidu konfesa faktu hotu iha akuzasaun no deklara katak depoisde akontesimentu kalan ne'e di'ak malu kedan ho lezada, arguidu mós deklara katak foin primeiravés mai hatan iha tribunál, arrepende ona ninia hahalok no promete sei la komete tan krime hanesan iha.

Alende ne'e, lezada kontinua konfirma faktu hotu iha akuzasaun no reforsa katak di'ak malu ona ho lezada no depoisde akontesimentu to'o agora arguidu labaku ona lezada.

Alegasaun final

Prokuradór konsidera arguidu provadu komete krime hasoru lezada, bazeia ba konfisaun arguidu nian no konfirma mós husi lezada, nune'e husu ba tribunál atu kondena arguidu ho pena prizaun tinan ida suspende ba tinan rua.

Entretantu defeza husu ba tribunál atu kondena arguidu tuir konfiksaun tribunál nian ho konsiderasaun katak arguidu konfesa, arrepende ona nia hahalok, foin primeiravés mai hatan iha tribunál no promete sei la kometetan krime hanesan iha futuru.

Desizaun

Depoisde avalia faktu sira hotu tribunál prova katak arguidu tuku dala rua iha lezada nia kotuk laran no tebe dala rua iha lezada nia kotuk laran rezulta moras no bubu.

Bazeia ba faktu provadu hirak ne'e no tetu mós ho sirkunstánsia atenuante sira hanesan arguidu konfesa, arrepende ona nia hahalok, foin primeiravés mai hatan iha tribunál no

promete sei la repete tan krime hanesan iha futuru, nune'e tribunál konklui prosesu ne'e no kondena arguidu ho pena prizaun fulan tolu suspende ba tinan ida.

2. Krime kontra bandu

Nú. Prosesu	: 0002/22. CVSUI
Kompozisaun Tribunál	: Koletivu
Juis	: Dr. Naason M. A. Marques Doutel, Dr. Jose M. de Araújo, Dra. Patricia de Araújo F. G. B. M. Xavier
Prokuradór	: Dr. Rafael Jeronimo Gusmão
Defeza	: Dr. Domingos dos Santos
Desizaun	: Pena prizaun tinan 1 suspende ba tinan 2

Iha 10 Janeiru 2023, Tribunál Judisiál Primeira Instânsia Suai prezide julgamentu leitura akordaun ba krime kontra bandu ne'ebé envolve arguidu João Fereira no Deonisio Tereza Fereira hasoru Estadu RDTL iha Munisípiu Covalima.

Akuzasaun Prokuradór

Prokuradora akuza katak iha 02 Marsu 2022, iha oras tuku 01:30 madrugada, arguidu nain rua hatama tabaku bantal 64 liuhusi dalan illegal iha area Lebos no arguidu nain rua transporta sasan atu ba Suai Beco, maibé too iha área rotunda Holbulu, hafoin Polísia hapara arguidu sira maibé arguidu sira tenta atu halai, maibé polisia kaer toman arguidu nain rua iha Sulamali Beco nian, arguidu sira sosa kada tabaku bantal ida ho folin US\$90.00, arguidu nain rua hatama sasan ilegal ne'e liuhusi Sr. Bau Mau, ema Indonézia nian. Arguidu sira nia aktu ne'e hamosu prezuiju ba iha Estadu Timor-Leste.

Prokuradór akuza arguidu sira kontra artigu 316 (1) KP kona-ba kontra bandu ho moldura penál tinan 2 too tinan 6 ka multa.

Produsaun ba prova sira

Iha julgamentu arguidu nain rua konfesa faktu hotu, iha akuzasaun, arguidu nain rua deklara katak foim mak primeiravés hatama sasan iligalmente liuhusi dalan illegal, arguidu nain rua deklara katak foim mak mai hatan iha tribunál, arrepende ona nia sira hahalok katak hatama sasan ilegalmente ne'e ladi'ak.

Alegasaun Finál

Prokuradór haktuir katak, iha julgamentu ne'e arguidu konfesa faktu hotu iha akuzasaun, mezmu arguidu sira konfesa maibé haree ba kazu kontra bandu ne'e aas tebes ba iha area fronteira, ho razaun hira hirak ne'e husu ba tribunál atu kondena arguidu nain rua ho pena ne'ebé adekuadu.

Entretantu defeza haktuir katak iha julgamentu arguidu nain rua konfesa faktu hotu, foim mak primeiravés mai hatan iha tribunál no depois akontese arguidu sira lahatama ona sasan liuhusi dalan illegal, tanba ne'e husu ba tribunál atu kondena arguidu sira ho pena multa.

Desizaun

Depoisde avalia faktu hotu, tribunál prova katak arguidu nain rua hatama tabaku bantal

64 liuhusi dalan illegal iha area Lebos no arguidu nain rua transporta sasan atu ba Suai Beco, maibé too iha área rotunda Holbulu, hafoin Polísia hapara arguidu sira maibé arguidu sira tenta atu halai, maibé polisia kaer toman arguidu nain rua iha Sulamali Beco nian, arguidu sira sosa kada tabaku bantal ida ho folin US\$90.00, arguidu nain rua hatama sasan ilegal ne'e liuhusi Sr. Bau Mau, ema Indonézia nian. Arguidu sira nia aktu ne'e hamosu prezuiju ba iha Estadu Timor-Leste.

Bazeia ba faktu provadu sira ne'e hotu no tetu mós ho sirkunstansia atenuante sira hanesan arguidu sira konfesa arrepende ona sira nia hahalok no promete sei la komete tan krime hanesan iha futuru, nune'e tribunál konkluí prosesu no kondena arguidu sira ho pena prizaun tinan ida suspende ba tinan rua.

3. Krime ofensa ba integridade fizika simples ho natureza violénsia doméstika

Nú. Prosesu	: 0075/22.BBMLV
Kompozisaun Tribunál	: Singulár
Juis	: Dr. Naason Mário Armindo Marques Doutel
Prokuradór	: Dr. Rafael Jerônimo Gusmão
Defeza	: Dr. Angelmo Pinto
Desizaun	: Pena prizaun fulan 3 suspende tinan 1

Iha 16 Janeiru 2023, Tribunál Judisiál Primeira Instânsia Suai prezide julgamentu leitura sentensa ba krime ofensa ba integridade fizika simples ho natureza violénsia doméstika ne'ebé envolve arguidu ATT hasoru nia feen JB, iha Munisípiu Bobonaro.

Akuzasaun prokuradór

Prokuradór akuza katak iha 16 Jullu 2022, iha oras tuku 10:00 dadeer, arguidu basa dala rua iha lezada nia hasan parte loos no karuk no kaer sinjeiru baku ba lezada nia ulun rezulta moras no kanek. Antes agresaun ne'e, arguidu ho lezada diskute malu kona-ba arguidu haruka lezada atu fase arguidu nia roupa, maibé lezada hatan katak sei kous hela sira nia oan, nune'e arguidu komete agresaun ne'e hasoru lezada.

Prokuradór akuza arguidu kontra artigu 145 KP kona-ba ofensa ba integridade fizika simples ho moldura penál tinan 3 ka multa konjuga ho artigu 2, (a) 3 (c), 35 (b) no 36 LKVD.

Produsaun ba prova sira

Iha julgamentu, arguidu konfesa totalmente ba faktu hotu iha akuzasaun, arguidu deklara katak arrepende ona ninia hahalok, depoisde akontesimentu too agora la repete ona ninia hahalok, arguidu promete ba oin sei labaku tan lezada. Arguidu mós deklara katak antes ne'e mai hatan ona iha tribunál no tribunál kondena arguidu ho pena multa US\$ 30.00.

Alende ne'e lezada kontinua konfirma faktu hotu iha akuzasaun no deklara katak depoisde akontesimentu too agora arguidu labaku ona lezada, lezada mós deklara katak

depoisde akontesimentu ne'e arguidu husu ona desculpa ba lezada perante lezada nia inan aman, lezada mós deklara liután katak perdua ona arguidu nia hahalok.

Alegasaun finál

Prokuradór haktuir katak, arguidu provau komete krime ofensa ba integridade fizika simples ho natureza violénsia doméstika tuir artigu 145 KP, arguidu konfesa no foin mak mai hatan iha tribunál nune'e husu ba tribunál atu kondena arguidu ho pena suspensaun.

Entretantu defeza haktuir katak, husu ba tribunál atu kondena arguidu tuir arguidu nia sirkunstánsia atenuante sira hanesan arguidu konfesa no depoisde akontesimentu too agora la iha problema seluk.

Desizaun

Depoisde avalia faktu sira hotu, tribunál prova katak arguidu basa dala rua iha lezada nia hasan parte loos no karuk no kaer sinjeiru baku ba lezada nia ulun rezulta moras no kanek. Antes agresaun ne'e, arguidu ho lezada diskute malu kona-ba arguidu haruka lezada atu fase arguidu nia roupa.

Bazeia ba faktu provadu hirak ne'e no tetu mós ho sirkunstánsia atenuante sira hanesan arguidu konfesa, arrepende ona nia hahalok no promete sei la komete tan krime hanesan iha futuru. Ho nune'e tribunál konklui prosesu ne'e no kondena arguidu ho pena prizaun fulan tolu suspende ba tinan ida.

4. Krime ofensa ba integridade física simples ho natureza violénsia doméstica

Nú. Prosesu	: 0013/21. ANHTB
KompozisaunTribunál	: Singulár
Juis	: Dr. Naason M. A. Marques Doutel
Prokuradór	: Dr. Rafael Jeronimo Gusmão
Defeza	: Dr. Domingos dos Santos (Advogado)
Desizaun	: Pena prizaun Fulan 3 suspende ba tinan 1

Iha 16 Janeiru 2023, Tribunál Judisiál Primeira Instânsia Suai prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguidu AM no AMM hasoru kuñada no feen LS, iha Munisípiu Ainaro.

Akuzasaun Prokuradór

Prokuradór akuza katak iha 01 Janeiru 2021, iha oras tuku 17:00 lokraik, arguidu tuku dala rua iha lezada nia ulun parte karuk no parte loos no tuku dala ida iha ibun rezulta moras, kanek no bubu, hafoin arguida hakat ba lezada no basa dala ida iha lezada nia hasan. Antes agresaun ne'e, arguidu ho lezada diskute malu kona-ba arguidu haruka lezada atu fase arguidu nia roupa maibé lezada lakohi no tolok arguidu, ho nune'e mosu agresaun ne'e hasoru lezada.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa konjuga ho artigu 2, 3(a), 35(b) no 36 LKVD no krime ofensa ba integridade fízika simples ho moldura penál too tinan 3 ka multa.

Produsaun ba prova sira

Antes hahú julgamentu tribunál halo uluk tentativa konsiliaun tuir artigu 262 KP ba arguida AMM ho LLS tanba arguida nu'udar lezada nia Kuñada.

Iha tentativa konsiliaun ne'e lezada hakarak deziste ninia keixa hasoru arguida, maibé ho kondisaun arguida labele repete ninia hahalok ne'e iha futuru, lezada perdua arguida nia aktu ne'ebé arguidu halo ba lezada, alende ne'e arguida mós simu lezada nia pedidu dezisténsia ne'e no promete iha futuru sei larepete ninia hahalok ne'e hasoru lezada inklui ema seluk. Entretantu prokuradór ho defeza la iha opozisaun, tribunál omologa akordu dame ne'e, no kontinua julgamentu ba kazu violénsia doméstika.

Iha julgamentu, arguidu konfesa faktu hotu iha akuzasaun, arguidu deklara arrepende ona nia hahalok, promete iha futuru sei larepete ninia hahalok ne'e hasoru lezada inklui ema seluk, arguidu deklara katak depoisde akontesimentu liu tiha loron rua mak foin di'ak malu fali, arguidu foin mak mai hatan iha tribunál. Alende ne'e lezada kontinua konfirma faktu sira iha akuzasaun no deklara katak di'ak malu ona ho arguidu, lezada haktuir katak depoisde akontesimentu too agora la iha ona problema seluk.

Alegasaun finál

Prokuradór konsidera arguidu rovadu komete krime ofensa ba integridade fizika simples forma violénsia doméstika hasoru lezada nu'udar nia feen, prokuradór haree katak krime violénsia doméstika aas tebes, nune'e atu halo prevensaun ba krime ne'e husu ba tribunál atu kondena arguidu ho pena suspensaun.

Desizaun

Depoisde avalia faktu hotu, tribunál prova katak arguidu tuku dala rua iha lezada nia ulun parte karuk no parte loos no tuku dala ida iha ibun rezulta moras, kanek no bubu, hafoin arguida hakat ba lezada no basa dala ida iha lezada nia Hasan.

Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa no promete iha futuru sei la komete tan krime hanesan hasoru lezada, nune'e tribunál konklui prosesu ne'e no kondena arguidu ho pena prizaun fulan tolu suspende ba tinan ida.

5. Krime ofensa ba integridade fizika simples ho natureza violénsia doméstika

Nú. Prosesu	: 0033/22.BBMLV
Kompozisaun Tribunál	: Singulár
Juis	: Dr. Naason Mário Armindo Marques Doutel
Prokuradór	: Dr. Rafael Jerônimo Gusmão
Defeza	: Dr. Domingos dos Santos
Desizaun	: Pena prizaun fulan 6 suspende tinan 1

Iha 16 Janeiru 2023, Tribunál Judisiál Primeira Instánsia Suai prezide julgamentu leitura sentensa ba krime ofensa ba integridade fizika simples ho natureza violénsia doméstika ne'ebé envolve arguidu IdS hasoru nia feen, iha Munisípiu Bobonaro.

Akuzasaun prokuradór

Prokuradór akuza katak iha 26 Fevereiru 2022, iha oras tuku 14:00 meiudia, arguidu lori ai-sar baku dala ida iha lezada nia kotuk laran no hanehan lezada nia ulun ba rai no tuku dala ida iha lezada nia ulun, lezada monu no rezulta lezada nia ulun kona iha fatuk bubu. Arguidu kontinua lori fatuk tuku dala ida iha lezada nia reen-toos no rezulta kanek, lezada halai tama ba kuartu laran no tolok arguidu, arguidu tama tuir lezada ba kuartu laran kaer lezada nia ulun hodi hanehan ba rai no sama lezada nia kakorok lezada hakilar hafoin arguidu husik lezada. Antes agresaun ne'e, arguidu ho lezada diskute malu kona-ba lezada dada sira sira nia oan feto liman no halo sira nia oan tanis. Ho nune'e mosu agresaun hirak ne'e.

Produsaun ba prova sira

Iha julgamentu arguidu hili direitu nonook, entretantu lezada deklara katak arguidu tuku dala ida iha lezada nia kotuk laran, depois foti ai-sar baku tan iha kotuk laran dala ida, riba ba rai no tuku dala ida iha ulun, lezada deklara tan katak arguidu la rasta lezada nia fuuk, lasama nia kakorok no la lori fatuk tuku lezada nia ulun, hafoin akontesimentu loron rua mak foin lezada halo serbisu, arguidu husu ona deskupa ba lezada.

Alegasaun finál

Prokuradór, haktuir katak arguidu hili direitu nonook maibé lezada deklara katak arguidu baku duni lezada, prokuradór haree katak krime violénsia doméstika aas tebes, nune'e husu ba tribunál atu kondena arguidu ho pena suspensaun.

Entretantu, defeza husu ba tribunál atu deside tuir konfiksaun tribunál nian.

Desizaun

Depoisde avalia faktu sira hotu, tribunál prova katak arguidu lori ai-sar baku dala ida iha lezada nia kotuk laran no hanehan lezada nia ulun ba rai no tuku dala ida iha lezada nia ulun, lezada monu no rezulta lezada nia ulun kona iha fatuk bubu. Arguidu kontinua lori fatuk tuku dala ida iha lezada nia reen-toos no rezulta kanek, lezada halai tama ba kuartu laran no tolok arguidu, arguidu tama tuir lezada ba kuartu laran kaer lezada nia ulun hodi hanehan ba rai no sama lezada nia kakorok lezada hakilar hafoin arguidu husik lezada.

Bazeia ba faktu provadu hirak ne'e tribunál konklui prosesu no kondena arguidu ho pena prizaun fulan neen suspende ba tinan ida.

6. Krime kontra flora no fauna

Nú. Prosesu	: 0002/22. BBLLT
Kompozisaun Tribunál	: Singulár
Juis	: Dr. Patricia de Araújo F. G. B. M. Xavier
Prokuradór	: Dr. Rafael Jeronimo Gusmão
Defeza	: Dr. Jonas Henrique
Desizaun	: Pena prizaun fulan 1 suspende tinan 1

Iha 16 Janeiru 2023, Tribunál Judisiál Primeira Instánsia Suai prezide julgamentu leitura sentensa ba krime kontra flora no fauna ne'ebé envolve arguidu Santiago dos Reis no arguidu Januario hasoru Estadu RDTL, iha Munisípiu Bobonaro.

Akuzasaun Prokuradór

Prokuradór akuza katak iha 08 Jullu 2022, iha oras tuku 17:00 lokraik, arguidu nain rua sosa ai-kameli iha Suko Beco ho kuantidade kilograma 30, kada kilograma ho valor osan US\$12.00 husi kilograma 30 ne'e arguidu sira sosa hamutuk US\$360.00, tuir mai arguidu nain rua transporta ai-kameli hirak ne'e atu ba Lebos no intesaun atu ba faan iha Indonézia, maibé too iha dalan Polisia UPF hapara tiha motor no dektekta arguidu sira tula ai-kameli no Polísia prende kedas ai-kameli ne'e.

Prokuradór akuza arguidu sira kontra artigu 217 KP kona-ba kontra flora no fauna ho moldura penál tinan 3 ka multa.

Produsaun ba prova sira

Iha julgamentu arguidu sira konfesa faktu sira iha akuzasaun, arguidu sira deklara katak mezmu lei bandu maibé nesesidade uma laran mak obriga viola lei sira, arguidu sira deklara mós katak depoisde akontesimentu too agora la sosa ona ai-kameli, arguidu sira arrepende ona sira ninia hahalok no promete sei la komte tan aktu hanesan iha futuru.

Alegasaun Finál

Prokuradór haktur katak, iha julgamentu arguidu nain rua konfesa faktu sira iha akuzasaun, prokuradór entende katak estadu Timor-Leste nia rikusoin lakon bebeik hanesan ai-kameli, nune'e atu evita krime hanesan akontese tan iha futuru, husu ba tribunál atu kondena arguidu nain rua ho pena suspensaun.

Entretantu, defeza haktur katak iha perante julgamentu arguidu nain rua konfesa faktu hotu iha akuzasaun no depoisde akontesimentu arguidu sira la komete tan krime sira no arguidu sira arrepende ona sira nia hahalok, nune'e husu ba tribunál atu aplika pena multa.

Desizaun

Depoisde avalia faktu sira hotu, tribunál prova katak arguidu nain rua sosa ai-kameli iha Suko Beco ho kuantidade kilograma 30, kada kilograma ho valor osan US\$12.00 husi kilograma 30 ne'e arguidu sira sosa hamutuk US\$360.00, tuir mai arguidu nain rua

transporta ai-kameli hirak ne'e atu ba Lebos no intesaun atu ba faan iha Indonézia, maibé too iha dalan Polisia UPF hapara tiha motor no dektekta arguidu sira tula ai-kameli no Polísia prende kendas ai-kameli ne'e.

Bazeia ba faktu provadu sira ne'e no tetu mós ho sirkunstánsia atenuante sira hanesan, arguidu nain rua arrepende ona sira nia hahalok, konfesa no foin primeiravés mai hatan iha tribunál, nune'e tribunál konklui prosesu ne'e no kondena arguidu nain rua ho pena prizaun fulan ida suspende ba tinan ida.

7. Krime ofensa ba integridade fizika simples ho natureza violénsia doméstika

Nú. Prosesu	: 0002/21.ANHTU
Kompozisaun Tribunál	: Singulár
Juis	: Dr. Naason Mário Armindo Marques Doutel
Prokuradór	: Dr. Rafael Jeronimo Gusmão
Defeza	: Dr. Angelmo Pinto
Desizaun	: Pena prizaun fulan 3 suspende tinan 1

Iha 16 Janeiru 2023, Tribunál Judisiál Primeira Instânsia Suai prezide julgamentu leitura sentensa ba krime ofensa ba integridade fizika simples ho natureza violénsia doméstika ne'ebé envolve arguidu JA hasoru nia feen MdJ, iha Munisípiu Ainaro.

Akuzasaun prokuradór

Prokuradór akuza katak iha loron no data ne'ebé la apura maibé iha fulan Dezembru 2020, iha oras tuku 11:00 dadeer, arguidu tuku dala rua iha lezada nia kanuruk no tuku dala ida iha lezada nia matan sorin parte karuk husi aktu ne'e lezada la ba ospitál maibé sosa deit ai-moruk US\$ 5.00, antes ne'e arguidu ba hola fetu kiik iha Same, nune'e lezada haksesuk malu ho arguidu kona-ba arguidu hola fetu kiik, ho nune'e arguidu halo agresaun refere hasoru lezada.

Prokuradór akuza arguidu kontra artigu 145 KP kona-ba ofensa ba integridade fizika simples ho moldura penál tinan 3 ka multa konjuga ho artigu 2, (a) 3 (c), 35 (b) no 36 LKVD.

Produsaun ba prova sira

Iha prosesu julgamentu arguidu hili dereitu nonook. Alende ne'e, lezada kontinua konfirma faktu sira iha akuzasaun no deklara katak depoisde akontesimentu liu loron tolu mak foin di'ak malu fali, lezada deklara tan katak depoisde akontesimentu too agora arguidu labaku ona lezada no agora di'ak malu ona.

Alegasaun finál

Prokuradór haktuir katak, mezmu arguidu hili direitu nonook maibé lezada kontinua konfirma faktu iha akuzasaun, arguidu mós iha antecedentes kriminais, nune'e husu ba tribunál atu kondena arguidu ho pena prizaun.

Entretantu, defeza haktuir katak iha julgamentu arguidu hili direitu nonook maibé lezada kontinua konfirma faktu sira iha akuzasaun, tanba ne'e husu ba tribunál atu deside tuir tribunál nia konfiksaun.

Desizaun

Depoisde avalia faktu sira hotu, tribunál prova katak arguidu tuku dala rua iha lezada nia kanuruk no tuku dala ida iha lezada nia matan sorin parte karuk husi aktu ne'e lezada la ba ospitál maibé sosa deit ai-moruk US\$ 5.00.

Bazeia ba faktu provadu sira ne'e nune'e tribunál konklui prosesu no kondena arguidu ho pena prizaun fulan tolu suspende tinan ida.

8. Krime abuzu seksuál ba menór

Nú. Prosesu	: 0001/20.BBBLB
Kompozisaun Tribunál	: Koletivu
Juis	: Dr. Naason Mário Armindo Marques Doutel, Dr. Jose Maria de Araujo no Dra. Patricia de Fatima Xavier
Prokuradór	: Dr. Nelson J. S Magno
Defeza	: Dr. Angelmo Pinto
Desizaun	: Pena prizaun tinan 10

Iha 24 Janeiru 2023, Tribunál Judisiál Primeira Instânsia Suai prezide julgamentu leitura akordaun ba krime abuzu seksuál menór ne'ebé envolve arguidu CB hasoru lezada IPF (idade tinan 13), iha Munisípiu Bobonaro.

Akuzasaun prokuradór

Prokuradór akuza katak iha fulan Maiu 2019, iha oras la apura, arguidu hanesan mestri iha Eskola, lezada hanesan estudante iha eskola refere no lezada. Arguidu ho lezada iha relasaun namoru iha tempu rekreu arguidu bolu lezada ba iha haris fatin eskola nian hodi halo relasaun seksuál ho lezada no relasaun seksuál ne'e akontese dala haat iha area eskola nian, husi arguidu nia aktu ne'e rezulta lezada grava.

Prokuradór akuza arguidu kontra artigu 177 KP kona-ba abuzu seksuál ba menór ho moldura penál tinan 5 too tinan 20.

Produsaun ba prova sira

Iha prosesu julgamentu, arguidu konfesa faktu hotu iha akuzasaun, arguidu deklara katak ho lezada iha relasaun namoru no bainhira lezada isin rua, lezada nia inan- aman husu arguidu no arguidu rekuñese katak bebe iha lezada nia isin ne'e arguidu nia oan no simu lezada sai ninia feen, arguidu haktuir katak hafoin sira hola malu família rua tuur hamutuk kolia feto nia folin no família husi mane nian fó ona osan US\$2,000.00, belak rua no karau rua ba lezada nia família, arguidu deklara tan katak ho lezada iha oan nain rua maibé oan segundu ne'e fila ona ba aman maromak (mate). Arguidu mós deklara katak nafatin serbisu iha eskola refere.

Alende ne'e, lezada kontinua konfirma faktu sira iha akuzasaun no deklara katak momentu isin rua fulan neen, lezada nia inan aman husu tuir lezada kona-ba bebe iha lezada nia isin no lezada hatete ba nia inan aman katak bebe ne'e arguidu CB nian no lezada nia inan aman ba informa kedes ba arguidu no arguidu simu lezada ho liman rua no moris hamutuk hanesan feen laen no iha ona oan nain rua, lezada deklara tan katak kona-ba keixa hasoru arguidu ne'e lezada la iha kuñesimentu tanba momentu sira hola malu tiha ona mak derepente polísia ba kaer arguidu. Lezada deklara tan katak momentu ba delijensia iha prokuradór Maliana ne'e feen laen tiha ona no ba hamutuk.

Alegasaun finál

Prokuradór haktuir katak arguidu provadu komete krime abuzu seksuál ba menór hasoru lezada, bazeia ba konfisaun arguidu nian no konfirma mós husi lezada, mezmu nune'e iha sikunstánsia ida katak arguidu nafatin hala'o nia knaar iha eskola refere, nune'e atu asegura arguidu la komete tan krime hanesan ne'e iha eskola refere husu ba tribunál atu kondena arguidu ho pena únika tinan 10 prizaun.

Entretantu, defeza haktuir katak iha duni krime maibé arguidu ho lezada feen laen tiha ona no sira iha ona oan nain rua, mezmu krime ne'e rasik la fó fatin atu dada maibé iha esperensia balun ne'ebé akontese iha juridisaun Tribunál Judisiál Primeira Instánsia Suai kazu hanesan ne'e akontese ona tanba ne'e husu ba tribunál atu absolve arguidu husi krime refere.

Desizaun

Depoisde avalia faktu sira hotu, tribunál prova katak arguidu hanesan mestri iha Eskola, lezada hanesan estudiante iha eskola refere no lezada. Arguidu ho lezada iha relasaun namoru iha tempu rekreu arguidu bolu lezada ba iha haris fatin eskola nian hodi halo relasaun seksuál ho lezada no relasaun seksuál ne'e akontese dala haat iha area eskola nian, husi arguidu nia aktu ne'e rezulta lezada gravida.

Bazeia ba faktu provadu sira ne'e no tetu mós ho sirkuntansia agravante katak arguidu hanesan profesora iha eskola refere, tuir loloos arguidu labele halo hahalok ida ne'e hasoru lezada, maibé arguidu atua nia direitu halo relasaun seksuál hasoru lezada dala haat, tribunál tetu sirkunstánsia atenuante katak arguidu konfesa, arrepende nia hahalok no arguidu mós responsabilidade no hola malu ho lezada iha oan nain rua, nune'e tribunál konklui prosesu no kondena arguidu ba kada krime tinan 5 soma hamutuk tinan 20, nune'e tribunál konklui no kondena arguidu pena únika tinan sanolu prizaun.

9. Kazu sivíl regulasaun ba ezersísiu podér paternál

Nú. Prosesu	: 0067/22 CVTDS
Kompozisaun Tribunál	: Singulár
Juis	: Dr. Eusebio Xavier Victor
Prokuradór	: Dr. Rafael Jeronimo Gusmão
Defeza	: Dr. Angelmo Pinto

Desizaun : Omologa dezisténsia keixa

Iha 25 Janeiru 2023, Tribunál Judisiál Primeira Instánsia Suai prezide julgamentu tentativa konsiliasaun ba kazu regulasaun ezersísiu podér paternál, ne'ebé envolve autór Anastacia dos Reis Magno tinan 9 no Emanuel Gomes Magno fulan 8 hasoru rekeridu/a José Magno Moniz no Aurelia dos Reis Gomes, iha Munisípiu Covalima.

Termu no fundamentu sira

Iha data ne'ebé la apura maibé iha fulan Marsu 2022, rekeridu ho rekerida separa tiha tanba rekeridu hola feto seluk fali ona, depoisde separa rekeridu la fó alimentasaun ba menór, autor nain rua, nune'e liu husi prokuradór hatama asaun ne'e hodi nune'rekeridu atu tau matan ba menór nain rua. Rekeridu funsionariu EDTL ho vensimentu kada fulan US\$ 410.00.

Kazu ne'e relasiona ho ezersísiu podér paternál tuir artigu 757, 758(), 759, 762, 1765, 1786, 1787(2), 1782, 1804 no 1805 KS, kona-ba responsabilidade inan-aman ba menór sira.

Tentativa konsiliasaun

Iha prosesu tentativa konsiliasaun, rekeridu no rekerida konkorda menór hela hamutuk ho rekerida. Rekeridu konkorda fó alimentasaun ba nia oan ho montante US\$75.00 kada fulan liu husi rekerida nia konta bankaria, entertantu ba vizita nian rekeridu no rekerida konkorda atu rekeridu livre vizita menór nain rua.

Alegasaun finál

Prokuradór reprezenta menór no defeza husu ba tribunál atu omologa akordu ne'ebé rekeridu no rekerida konkorda hamutuk atu tau-matan ba menór.

Desizaun

Bazeia ba parte rua nia akordu kona-ba alimentasaun, hela fatin no rejime vizita nian, tribunál konklui prosesu ne'e no omologa rekeridu no rekerida nia akordu ne'e.

10. Krime ofensa integridade fizika simples ho natureza violénsia doméstika

Nú. Prosesu	: 0012/21.MFMFI
Kompozisaun	: Singulár
Tribunál	: Dr. Naason M. A. Marques Doutel
Juis	: Dr. Pascaçio de Rosa Alves
Miniseriu Publiku	: Dr. Domingos dos Santos
Defeza	: Pena prizaun fulan 6 suspende tinan 1
Desizaun	

Iha 26 Janeiru 2023, Tribunál Judisiál Primeira Instánsia Suai prezide julgamentu leitura

sentensa ba krime ofensa ba integridade fizika simples ho natureza violénsia doméstika ne'ebé envolve arguidu DMP Soares hasoru nia feen, iha Munisípiu Manufahi.

Akuzasaun Prokuradór

Prokuradór akuza katak iha 28 Novembru 2021, iha oras tuku 03:30 lokraik, arguidu buti lezada nia kakorok no tuku dala ida iha lezada nia matan sorin parte loos, hafoin lezada hikis aan no hakilar husu ajuda no viziñu mai hafahe tiha arguidu ho lezada. Antes lezada tama ba kuartu laran atu foti sira nia oan nia roupa no arguidu halo aktu refere hasoru lezada. Kazu ne'e aneksu ho relotoriu mediku husi PRADET.

Prokuradór akuza arguidu kontra artigu 145 KP kona-ba ofensa ba integridade fizika simples ho moldura penál tinan 3 ka multa konjuga ho artigu 2, (a) 3 (c), 35 (b) no 36 LKVD.

Produsaun ba prova sira

Iha julgamentu, arguidu deklara katak faktu balun loos no balun la loos, arguidu deklara katak momentu ne'e la buti lezada nia kakorok, arguidu rekuñese basa duni dala ida iha lezada nia hasan, arguidu arrepende ona nia hahalok no promete sei la repete tan hahalok hanesan iha no arguidu foin mak mai hatan iha tribunál.

Alende ne'e, lezada kontinua konfirma faktu hotu iha akuzasaun no deklara katak depoisde akontesimentu too agora la iha ona problema seluk.

Alegasaun finál

Prokuradór, haktuir katak mezmu iha julgamentu arguidu nega faktu balun, maibé lezada kontinua konfirma faktu sira iha akuzasaun, prokuradór haree katak krime sira violénsia doméstika aas tebes, nune'e atu prevene krime ne'e husu ba tribunál atu kondena arguidu ho pena suspensaun.

Enkuantu, defeza haktuir arguidu arrepende nia hahalok, foin mak mai hatan iha tribunál nune'e husu ba tribunál atu kondena arguidu ho pena multa.

Desizaun

Depoisde avalia faktu sira hotu, tribunál prova katak arguidu buti lezada nia kakorok no tuku dala ida iha lezada nia matan sorin parte loos, hafoin lezada hikis aan no hakilar husu ajuda no viziñu mai hafahe tiha arguidu ho lezada.

Bazeia ba faktu provadu sira ne'e no tetu mós sirkunstánsia atenuante sira hanesan arguidu foin mak mai hatan iha tribunál, arrepende nia hahalok, nune'e tribunál konklui prosesu ne'e no kondena arguidu ho pena prizaun fulan neen suspende tinan ida.

11. Krime ofensa ba integridade física simples ho natureza violénsia doméstica

Nú. Prosesu	: 0010/22.MFMFI
Kompozisaun Tribunál	: Singular
Juis	: Dr. Naason M. A. Marques Doutel

Ministeriu Publiku	: Dr. Nelson Magno
Defeza	: Dr. Domingos dos Santos
Desizaun	: Pena prizaun fulan 6 suspende tinan 1

Iha 26 Janeiru 2023, Tribunál Judisiál Primeira Instánsia Suai prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguidu DdA hasoru nia feen, iha Munisípiu Manufahi.

Akuzasaun Prokuradór

Prokuradór akuza katak iha 29 Abril 2022, iha oras tuku 11:00 dadeer, arguidu lori katana baku dala rua iha lezada nia ain-tuur parte loos no no kaer besi kanu baku dala iha lezada nia ain-tuur parte karuk rezulta moras. Antes ne'e lezada ba hadia bee posu hafoin lezada fila ba uma arguidu halo agreasaun ne'e hasoru lezada.

Prokuradór akuza arguidu kontra artigu 145 KP kona-ba ofensa ba integridade fizika simples ho moldura penál tinan 3 ka multa konjuga ho artigu 2, (a) 3 (c), 35 (b) no 36 LKVD.

Produsaun ba prova sira

Iha julgamentu arguidu konfesa faktu hotu iha akuzasaun no deklara katak depoisde akontesimentu kalan ne'e dia'k malu kedas, arguidu arrepende nia hahalok foin mak mai hatan iha tribunál.

Alenden ne'e lezada kontinua konfirma faktu iha akuzasaun no reforsa arguidu nia deklarasaun katak depoisde akontesimentu kalan ne'e di'ak malu kedan, lezada perdua ona arguidu.

Alegasaun finál

Prokuradór haktuir katak iha perante julgamentu arguidu konfesa no konfirma husi lezada, mezmu sira di'ak malu fali ona, maibé atu prevene krime ne'e akontese tan iha futuru, husu ba tribunál atu kondena arguidu tuir artigu 145 KP.

Entretantu defeza husu ba tribunál atu kondena arguidu ho pena adekuadu tuir sirkunstánsia atenuante arguidu nian.

Desizaun

Depoisde avalia faktu sira hotu, tribunál prova katak arguidu lori katana baku dala rua iha lezada nia ain-tuur parte loos no no kaer besi kanu baku dala iha lezada nia ain-tuur parte karuk rezulta moras.

Bazeia ba faktu provadu sira ne'e no tetu mós sirkunstánsia atenuante sira hotu, nune'e tribunál konklui prosesu no kondena arguidu ho pena prizaun fulan neen suspende tinan ida.

12. Krime ofensa ba integridade física simples ho natureza violénsia doméstika

Nú. Prosesu	:	0007/22.BBATB
Kompozisaun Tribunál	:	Singulár
Juis	:	Dr. Naason M. A. Marques Doutel
Prokuradór	:	Dr. Rafael Jeonimo Gusmão
Defeza	:	Dr. Domingos dos Santos
Desizaun	:	Pena prizaun fulan 1 suspende Tinan 1

Iha 26 Janeiru 2023, Tribunál Judisiál Primeira Instánsia Suai prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguidu JP hasoru nia feen, iha Munisípiu Bobonaro.

Akuzasaun Prokuradór

Prokuradór akuza katak iha 05 Abril 2022, iha oras tuku 09:00 dadeer, arguidu basa dala ida iha lezada nia hasan parte karuk. Antes ne'e arguidu sei toba hela no lezada ba fanu arguidu atu ba serbisu, maibé arguidu hader mai hirus lezada no mosu diskusaun entre arguidu ho lezada, nune'e arguidu halo agreasaun refere hasoru lezada.

Prokuradórakuza arguidu kontra artigu 145 KP kona-ba ofensa ba integridade fizika simples ho moldura penál tinan 3 ka multa konjuga ho artigu 2, (a) 3 (c), 35 (b) no 36 LKVD.

Produsaun ba prova sira

Iha julgamentu, arguidu konfesa faktu iha akuzasaun, arguidu arrepende ona nia hahalok no promete iha futuru sei la baku lezada inklui ema seluk, arguidu deklara katak foin mak mai hatan iha tribunál.

Alende ne'e lezada kontinua konfirma faktu iha akuzasaun no deklara katak depoisde akontesimentu liu oras balun di'ak malu kedan, lezada deklara katak perdua ona arguidu nia hahalok.

Alegasaun finál

Prokuradór haktuir katak lori arguidu mai hatan iha julgamentu ne'e tanba arguidu baku nia feen, mesmu sira di'ak malu ona no lezada perdua arguidu, maibé prokuradór haree katak kazu violénsia doméstika aas tebes nune'e husu ba tribunál atu kondena arguidu ho pena prizaun tuir artigu 145 KP nian.

Entretantu defeza husu ba tribunál atu kondena arguidu ho pena multa tuir arguidu nia kapasidade ekonomia nian.

Desizaun

Depoisde avalia faktu hotu, tribunál prova katak arguidu basa dala ida iha lezada nia hasan parte karuk.

Bazeia ba faktu provadu hirak ne'e no tetu mós sirkunstánsia atenuante hanesan arguidu foin mak mai hatan iha tribunál, di'ak malu ona ho lezada no arrepende ona nia hahalok, nune'e tribunál konklui prosesu no kondena arguidu ho pena prizaun fulan ida suspende tinan ida.

13. Krime ameasa no ofensa ba integridade fizika simples ho natureza violénsia domestika

Nú. Prosesu	: 0001/21.MFFBL
Kompozisaun Tribunál	: Singulár
Juis	: Dr. Nasson Mário Armindo Marques Doutel
Prokuradór	: Dr. Rafael Jeronimo Gusmão
Defeza	: Dr. Angelmo Pinto
Desizaun	: Pena Prizaun fulan 6 suspende tinan 1

Iha 26 Janeiru 2023, Tribunál Judisiál Primeira Instânsia Suai prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguidu MXdCB hasoru nia feen JdCCT, iha Munisípiu Manufahi.

Akuzasaun prokuradór

Prokuradór akuza katak iha 30 Abril 2021, iha oras tuku 16:00 lokraik, mosu diskusaun entre arguidu ho lezada tanba de'it lezada toka hela muzika iha kuartu laran no akompana kanta halimar, nune'e arguidu hadau tiha telemovel husi lezada nia liman no lori telemovel ne'e tuku dala ida iha lezada nia ibun no tuku dala ida iha ulun parte loos, hafoin rasta lezada nia fuuk lezada hikis aan no ba iha sala vijita, arguidu tuir tuku dala ida iha lezada ulun parte kanuruk, rasta lezada nia fuuk no buti lezada nia kakorok, lezada hakilar husu ajuda sira nia oan hodi ba hafahe tiha sira. Tuir mai arguidu ameasa lezada dehan "ó demais hanesan ne'e hau sei tesí ó nia kakorok".

Prokuradór akuza arguidu kontra artigu 145 KP kona-ba ofensa ba integridade física simples ho moldura penál tinan 3 ka multa konjuga ho artigu 2, (a) 3 (c), 35 (b) no 36 LKVD no artigu 157 KP kona-ba ameasa ho moldura penál tinan 1 ka multa.

Produsaun ba prova sira

Antes ba julgamentu tribunál bazeia ba artigu 262 KPP kona-ba tentativa konsiliaсаun ba kazu sira natureza semi publiku.

Iha tentativa konsiliaсаun ne'e, lezada hakarak deziste tiha nia keixa hasoru arguidu tanba depoisde akontesimentu diak malu ona no too agora la iha problema, maibé nafatin husu ba arguidu atu labele repete ninia hahalok, arguidu mós konkorda lezada nia dezistensia ne'e no promete sei larepete ninia hahalok, prokuradór no defeza la iha

opozisaun, tribunál omologa akordu dame ba krime ameasa, entretantu ba krime ofensa ba integridade fizika simples ho natureza violénsia doméstika kontinua ba julgamentu.

Iha julgamentu, arguidu konfesa faktu hotu iha akuzasaun no deklara katak depoisde akontesimentu liu fulan ida mak di'ak malu, arguidu arrepende nia hahalok promete futuru sei labaku lezada inklui ema seluk, arguidu deklara tan katak too agora la iha ona problema seluk.

Alende ne'e lezada kontinua konfirma faktu iha akuzasaun no deklara katak depoisde akontesimentu liu fulan ida mak di'ak malu, lezada haktuir katak akontese problema ne'e too agora la iha ona problema seluk.

Alegasaun finál

Prokuradór haktuir katak, arguidu nia hahalok priense hotu faktu sira iha akuzasaun ne'ebé arguidu konfesa no konfirma husi lezada, prokuradór haree katak krime violénsia doméstika aas tebes nune'e atu halo prevensaun ba krime refere, husu ba tribunál atu kondena arguidu tuir artigu 145 KP nian.

Enkuantu defeza haktuir katak, arguidu ho lezada di'ak malu ona no depoisde akontesimentu la iha problema seluk, nune'e husu ba tribunál atu kondena arguidu ho pena multa.

Desizaun

Depoisde avalia faktu sira hotu, tribunál prova katak arguidu hadau tiha telemovel husi lezada nia liman no lori telemovel ne'e tuku dala ida iha lezada nia ibun no tuku dala ida iha ulun parte loos, hafoin rasta lezada nia fuuk lezada hikis aan no ba iha sala vijita, arguidu tuir tuku dala ida iha lezada ulun parte kanuruk, rasta lezada nia fuuk no buti lezada nia kakorok.

Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa, arrepende nia hahalok, depoisde akontesimentu la iha problema too agora no di'ak malu ona, nune'e tribunál konklui prosesu ne'e no kondena arguidu ho pena prizaun fulan neen suspende tinan ida no selu kustu judisiál US\$20.00.

14. Krime dezobediénsia

Nú. Prosesu	: 0007/21.BBLLT
Kompozisaun Tribunál	: Singulár
Juis	: Dr. Naason M. A. Marques Doutel
Prokuradór	: Dr. Nelson Magno
Defeza	: Dr. Jonas Henrique
Desizaun	: Absolve

Iha 26 Janeiru 2023, Tribunál Judisiál Primeira Instánsia Suai prezide julgamentu leitura sentensa ba krime dezobediénsia ne'ebé envolve arguidu Octaviano de Araújo hasoru Estadu RDTL, iha Munisípiu Bobonaro.

Akuzasaun Prokuradór

Prokuradór akuza katak iha 22 Juñu 2021, iha oras tuku 20:00 kalan, arguidu akompaña ho nia kolega sira ho naran hanesan (Claudino, Olivio, Ernesto no Nilton iha prosesu ketak) hodi ba Atambua Indonézia liu husi área mota Maporet Lakus, iha 06 Jullu 2021, arguidu fila husi Atambua-Indonézia hetan kaptura husi Polísia PNTL ho razaun arguidu fasilita nia kolega sira hodi ultrapasa fronteira ho ilegalmente. Konsikuensia husi arguidu nia hahalok hodi hamosu inseguransa, alarme sosial no intrankuolidade publika iha pais ida ne'e no la kumpi regra Organizaun Mundial Saude (OMS no MS) nian, tanba iha akontesementu ne'e iha hela situasaun Covid-19 no estadu aplika hela situasaun emergensia.

Prokuradór akuza arguidu kontra artigu 244 KP kona-ba dezobidénsia ho moldura penál tinan 3 ka multa.

Produsaun ba prova sira

Iha prosesu julgamentu, arguidu deklara katak iha momentu ne'eba arguidu akompana nia kolega sira hanesan Claudino Olivio, Ernesto no Nilton ba iha fronteira atu ba Atambua Indonézia, arguidu deklara katak momentu ne'e tama iha Indonézia Atambua.

Alegasaun finál

Prokuradór, haktuir katak iha julgamentu ne'e arguidu deklara la tama área Indonézia Atambua no la iha testemuña ida mai dehan arguidu tama área Indonézia, nune'e husu ba tribunál atu kondena arguidu ho pena ne'ebé adekuadu.

Alende ne'e defeza mós husu ba tribunál atu kondena arguidu ho pena ne'ebé adekuadu tanba durante produsaun prova arguidu deklara katak la tama ba área Indonézia no la iha testemuña ida hatete arguidu tama área Indonézia.

Desizaun

Depoisde avalia faktu hotu, tribunál konsidera akuasaun ne'ebé inputa ba arguidu ne'e la provadu tanba momentu ne'e arguidu la tama ba área Indonézia Atambua, nune'e tribunál konklui prosesu no absolve arguidu husi krime ne'e.

15. Krime ofensa ba integridade física grave no arma brankas

Nú. Prosesu	: 0216/20.BBMLV
Kompozisaun Tribunál	: Koletivu
Juis	: Dr. José M. de Araújo, Dr. Naason M. A. Marques Doutel no Dra. Patricia de Araújo F. G. B. M. Xavier
Prokuradór	: Dr. Nelson J. S. Magno
Defeza	: Dr. Octavio Da Costa

Desizaun : Pena prizaun tinan 5 no selu indemnizasaun sivíl
US\$300.00

Iha 27 Janeiru 2023, Tribunál Judisiál Primeira Instánsia Suai prezide julgamentu leitura akordaun ba krime ofensa ba integridade fizika grave no arma brankas ne'ebé envolve arguidu Martinho Bete Amaral Ele hasoru lezadu Donatos Santos Vicente, iha Munisípiu Bobonaro.

Akuzasaun Prokuradór

Prokuradór akuza katak iha 28 Novembru 2020, iha oras tuku 07:30 dadeer, konfrontu entre arte rituais kolimau ho 77, lezadu atu ba to'os maibé haree ema ataka malu, nune'e lezadu halai liu husi arguidu nia uma oin no derepente arguidu sai husi uma ho katana taa kellas dala ida iha lezadu nia liman sikun parte karuk resulta ruin tohar, taa dala ida iha lezadu nia kotuk laran, taa kidan no taa ikus iha lezadu nia liman kabun parte karuk. Arguidu nia aktu ne'e halo lezadu nia liman sikun hetan suku pontu 7, kotuk laran suku pontu 6 kanek iha kidan suku pontu 4.

Prokuradór akuza arguidu kontra artigu 146 KP kona-ba ofensa ba integridade fizika grave ho moldura penál tinan 2 too tinan 8 no no artigu 20 (1), artigu 2 (2 alinea f) Lei Arma Brankas.

Produsaun ba prova sira

Iha julgamentu, arguidu konfesa parcialmente ba faktu sira iha akuzasaun, arguidu konfesa katak momentu akontesimentu ne'e grupu husi kolimau 2000 no arte rituas 77 sira ataka malu, no iha momentu arguidu nia uma hetan estragus no tuda kona mós arguidu nia aman nia ain parte loos no arguidu rona nia aman hakilar, nune'e arguidu foti maubeka sai husi uma maibé lezadu ho nia maluk ataka fali arguidu nune'e argudu taa dala ida lezadu nia liman sikun no taa dala ida iha lezadu nia kotuk laran tuir mai lezadu nia maluk sira halai hotu no arguidu kontinua taa lezadu dala rua. Arguidu deklara katak hanesan membru 77 no lezadu mós envolve arte rituais kolimau.

Alende ne'e lezadu kontinua konfirma faktu iha akuzasaun no deklara katak sente sei moras iha liman sikun no too agora seidauk kaer serbisu hanesan baibain, lezadu deklara liután katak durante halo tramentu ne'e sosa ai-moruk tradisionál no selu ojek ba ospitál no gastu osan US\$ 300.00, lezadu deklara katak la envolve iha arte rituais kolimau.

Alegasaun finál

Prokuradór haktuir katak arguidu komete krime ofensa ba integridade fizika grave no arma brankas ne'ebé, mezmu arguidu konfesa parcialmente ba faktu iha akuzasaun, maibé konfirma husi lezada no reforsa husi atestadu mediku ne'ebé junta iha autus, bazeia ba sirkunstánsia sira hotu, nune'e husu ba tribunál atu kondena arguidu ho pena ne'ebé adekuadu.

Defeza haree katak arguidu táa lezadu ne'e hanesan meiu ida atu hafahe lezadu ho nia grupu ne'ebé lori tudik oan atu ataka arguidu, defeza argumenta tan katak momentu ne'e

lezadu ba to'os maibé lao ain ho kilo metru 1 no iha dalan alternativu seluk hodi ba to'os, tan ne'e defeza nia haree lezadu mós hola parte hotu iha konfrontu refere no arguidu nia hahalok hanesan atu defende an, no arguidu nia aktu la prense iha krime ne'ebé mak Ministériu Públiku inputa ba arguidu no husu ba tribunál atu absolve arguidu husi krime refere.

Desizaun

Depoisde avalia faktu sira hotu, tribunál prova katak arguidu sai husi uma ho katana taa kedas dala ida iha lezadu nia liman sikun parte karuk rezulta ruin tohar, taa dala ida iha lezadu nia kotuk laran, taa kidan no taa ikus iha lezadu nia liman kabun parte karuk. Arguidu nia aktu ne'e halo lezadu nia liman sikun hetan suku pontu 7, kotuk laran suku pontu 6 kanek iha kidan suku pontu 4.

Bazeia ba faktu provadu sira ne'e no tetu mós sirkunstânsia hotu-hotu ne'ebé haleu krime ne'e tribunál konklui prosesu no kondena arguidu ba krime rua ho pena únika tinan 5 prizaun no selu indemnizasaun sivil US\$300.00.

16. Krime ofensa ba integridade fizika simples ho natureza violénsia doméstika

Nú. Prosesu	: 0036/21.BBMLV
Kompozisaun Tribunál	: Singulár
Juis	: Dr. Naason Mário Armindo Marques Doutel
Prokuradór	: Dr. Rafael Jeronimo Gusmão
Defeza	: Dr. Domingos dos Santos
Desizaun	: Pena prizaun fulan 1 suspende ba tinan 1

Iha 27 Janeiru 2023, Tribunál Judisiál Primeira Instânsia Suai prezide julgamentu leitura sentensa ba krime ofensa ba integridade fizika simples ho natureza violénsia doméstika ne'ebé envolve arguida NM hasoru eis katus oan, iha Munisípiu Bobonaro.

Akuzasaun prokuradór

Prokuradór akuza katak iha 16 Maiu 2021, iha oras tuku 15:20 lokraik, arguida tebe dala ida lezadu nia kanuruk no foti fatuk tuda dala ida iha lezadu nia liman parte karuk. Antes ne'e arguida husu osan ba lezadu atu sosa sira nia oan nia susuben, maibé lezadu la fó osan no fó kotuk ba arguida nune'e arguida komete aktu refere hasoru lezadu.

Prokuradór akuza arguida kontra artigu 145 KP kona-ba ofensa ba integridade fizika simples ho moldura penál tinan 3 ka multa konjuga ho artigu 2, (a) 3 (c), 35 (b) no 36 LKVD.

Produsaun ba prova sira

Iha prosesu julgamentu arguida konfesa faktu hotu iha akuzasaun, arguida deklara katak durante sira nia oan moris lezadu abandona no momentu lezadu ba merkadu hetan arguida, nune'e arguida husu osan atu sosa sira nia oan nia susuben, maibé lezadu fó

kotuk nune'e arguida halo agresaun refere hasoru lezadu, arguida arrepende ona nia hahalok no promete sei la repete tan hahalok hanesan hasoru lezadu ka ema seluk iha futuru.

Alende ne'e lezadu kontinua konfirma faktu hotu iha akuzasaun no deklara katak durante seidauk fahe malu ne'e lezadu mak tau matan ba sira nia oan maibé depoisde fahe malu arguida ba hela fali iha nia rai, nune'e lezadu la fó alimentasaun ba sira nia oan.

Alegasaun finál

Prokuradór, haktuir katak iha perante julgamentu ne'e arguida konfesa faktu hotu no konfirma nafatin husi lezadu, maibé mutivu husi problema ne'e tanba lezadu abandona sira nia oan, nune'e husu ba tribunál atu fó pena multa ba arguida.

Entretatu, defeza haktuir katak iha julgamentu ne'e arguida konfesa no arrepende nia hahalok katak futuru sei larepete ninia hahalok, defeza haree katak arguida la iha rendimentu, nune'e husu ba tribunál kondena arguida ho pena suspensaun ne'ebé kiik liu.

Desizaun

Depoisde avalia faktu sira hotu, tribunál prova katak arguida tebe dala ida lezadu nia kanuruk no foti fatuk tuda dala ida iha lezadu nia liman parte karuk.

Bazeia ba faktu provadu sira ne'e no tetu mós sirkunstânsia hotu-hotu ne'ebé haleu krime, nune'e tribunál konklui prosesu no kodena arguida ho pena prizaun fulan ida suspende ba tinan ida.

17. Krime ofensa ba integridade fizika simples ho natureza violénsia doméstika

Nú. Prosesu	: 00004/22.BBATB
Kompozisaun Tribunál	: Singulár
Juis	: Dra. Patricia de Fatima Xavier
Prokuradór	: Dr. Nelson J.S Magno
Defeza	: Dr. Domingos dos Santos
Desizaun	: Pena prizaun fulan 3 suspende ba tinan 1

Iha 30 Janeiru 2023, Tribunál Judisiál Primeira Instânsia Suai prezide julgamentu leitura sentensa ba krime ofensa ba integridade fizika simples ho natureza violénsia doméstika ne'ebé envolve arguidu AdS hasoru nia feen, iha Munisípiu Bobonaro.

Akuzasaun prokuradór

Prokuradór akuza katak iha 24 Marsu 2023, iha oras tuku 22:00 kalan, arguidu foti raket baku dala tolu iha lezada nia hasan parte karuk no dudu lezada nia ulun ba rai, antes ne'e arguidu fila mai uma no husu telefone atu haree informasaun, maibé lezada lakohi no arguidu hadau telefone husu lezada no lezada ba taka tiha ahi nune'e, arguidu komete aktu refere hasoru lezada, kazu ne'e aneksu ho fotografia no atestadu médiku.

Prokuradór akuza arguidu kontra artigu 145 KP kona-ba ofensa ba integridade fizika simples ho moldura penál tinan 3 ka multa konjuga ho artigu 2, (a) 3 (c), 35 (b) no 36 LKVD.

Produsaun ba prova sira

Iha julgamentu, arguidu konfesa faktu sira hotu iha akuzasaun no deklara katak depoisde akontesimentu liu semana ida mak foin família sira buka malu no rezolve tuir fetosan umane nian no arguidu fó sala ba lezada ho osan US\$800.00 no bir bintang dos rua, fanta dos rua, arguidu mós deklara katak arrepende ona nia hahalok no rekoñese katak hahalok ne'e ladiak.

Tanba arguidu konfesa faktu hotu iha akuzasaun, nune'e tribunál presinde lezada nia deklarasaun.

Alegasaun finál

Prokuradór, konsidera arguidu nia aktu ne'e priense elementu krime ofensa ba integridade fizika simples, bazeia ba konfisaun arguidu nian no konfirma mós husi lezada, prokuradór haree katak krime violénsia doméstika ass tebes nune'e atu prevene krime refere akontese tan iha futuru, husu ba tribunál atu kondena arguidu ho pena prizaun no suspende nia ezekusaun.

Entretantu, defeza haktuir katak arguidu konfesa, arrepende ona nia hahalok no depoisde akontesimentu família rua tuur hamutuk rezolve ona tuir família no arguidu ho lezada hela hamutuk fali ona, nune'e husu ba tribunál atu kondena arguidu ho pena ne'ebé adekuadu mak pena multa.

Desizaun

Depoisde avalia faktu sira hotu, tribunál prova katak arguidu foti raket baku dala tolu iha lezada nia hasan parte karuk no dudu lezada nia ulun ba rai.

Bazeia ba faktu provadu sira no tetu mós sirkunstánsia atenuante sira hanesan, arguidu konfesa, arrepende ona nia hahalok no depoisde akontesimentu la iha ona problema seluk, nune'e tribunál konklui prosesu no kondena arguidu ho pena prizaun fulan tolu suspende ba tinan ida.

18. Krime ofensa ba integridade fizika simples ho natureza violénsia doméstika no arma brankas

Nú. Prosesu : 0005/22.ANANV
Kompozisaun Tribunál : Koletivu
Juis : Dr. Naason Mário Armindo Marques Doutel, Dr. José Maria de Araujo no Dra. Patricia de Araujo F. B. M. Xavier.
Prokuradór : Dr. Nelson Magno
Defeza : Dr. Domingos dos Santos
Desizaun : Pena prizaun tinan 3 suspende ba tinan 3

Iha 30 Janeiru 2023, Tribunál Judisiál Primeira Instânsia Suai prezide julgamentu leitura akordaun ba krime ofensa ba integridade fizika simples ho natureza violénsia doméstika no arma brankas ne'ebé envolve arguidu CA hasoru nia feen, iha Munisípiu Ainaro.

Akuzasaun prokuradór

Prokuradór akuza katak iha 06 Fevereiru 2022, iha oras tuku 9:30 dadeer, arguidu foti dima atu tuda ba lezada maibé la konsege tanba sira nia oan feto iha, tuir mai arguidu hakat ba lezada hodi tuku dala ida iha lezada kabaas parte karuk no basa dala ida iha lezada nia hasan parte karuk, antes ne'e arguidu haruka lezada atu ba to'os maibé lezada hatan dehan isin moras, nune'e sira diskute malu no arguidu komete aktu refere hasoru lezada.

Prokuradór akuza arguidu kontra artigu 145 KP kona-ba ofensa ba integridade fizika simples ho moldura penál tinan 3 ka multa konjuga ho artigu 2, (a) 3 (c), 35 (b) no 36 LKVD no artigu 20 (1), artigu 2 (2 alinea f) Lei Arma Brankas.

Produsaun ba prova sira

Iha prosesu julgamentu, arguidu konfesa faktu sira iha akuzasaun no deklara katak arrepende ona nia hahalok no promete iha futuru sei labaku lezada inklui ema seluk, arguidu deklara tan katak deposide akontesimentu too agora labaku ona lezada, arguidu hanesan ema agrikultor la iha rendimentu fiksu.

Tribunál presinde lezada ninia deklarasaun, tanba arguidu konfesa faktu hotu iha akuzasaun.

Alegasaun finál

Prokuradór konsidera arguidu provadu komete krime hasoru lezada bazeia ba konfisaun arguidu nian, prokuradór haree katak arguidu ho lezada di'ak malu fali ona, tanba ne'e husu ba tribunál atu kondena arguidu tuir konfiksaun tribunál nian.

Entretantu defeza husu ba tribunál atu deside tuir sirkunstánsia atenuante arguidu nian.

Deizaun

Depoisde avalia faktu sira hotu, tribunál prova katak arguidu foti dima atu tuda ba lezada maibé la konsege tanba sira nia oan feto iha, tuir mai arguidu hakat ba lezada hodi tuku dala ida iha lezada kabaas parte karuk no basa dala ida iha lezada nia hasan parte karuk.

Bazeia ba faktu provadu sira ne'e no tetu mós sirkunstánsia atenuante sira hanesan, arguidu konfesa, arrepende ona nia hahalok no promete sei la komete tan aktu hanesan iha futuru, nune'e tribunál konklui prosesu ne'e no kondena arguidu ho pena prizaun tinan tolu suspende ba tinan tolu.

19. Krime ofensa ba integridade fizika simples ho natureza violénsia doméstika

Nú. Prosesu	: 0072/21.CVSUI
Kompozisaun Tribunál	: Singulár
Juis	: Dr. Naason Mário Armindo Marques Doutel
Prokuradór	: Dr. Rafael Jeronimo Gusmão
Defeza	: Dr. Domingos dos Santos
Desizaun	: Pena prizaun fulan 6 suspende ba tinan 1

Iha 30 Janeiru 2023, Tribunál Judisiál Primeira Instânsia Suai prezide julgamentu leitura sentensa ba krime ofensa ba integridade fizika simples ho natureza violénsia doméstika ne'ebé envolve arguidu QG hasoru nia feen, iha Munisípiu Covalima.

Akuzasaun prokuradór

Prokuradór akuza katak iha 20 Juñu 2020, iha oras tuku 8:00 dadeer, arguidu lori ai-sanak baku dala ida lezada nia kotuk laran rezulta metan no bubu. Antes agresaun ne'e, arguidu ho lezada diskute malu kona-ba lezada husu osan atu ba sosa dose maibé arguidu lakohi fó osan no fó fali sira nia oan atu sosa dose, nune'e arguidu halo agreasaun refere hasoru lezada.

Tuir mai iha loron ne'ebé la apura maibé iha Dezembru 2022, iha oras tuku 19:30 kalan, arguidu rasta lezada tun ba rai no basa dala ida iha lezada nia hasan parte loos rezulta moras no bubu, antes agresaun ne'e, arguidu ho lezada diskute malu kona-ba lezada ba halo dose iha nia alin sira nia uma no fila ba uma bolu arguidu atu loke odamatan atu lezada tama ba uma laran, nune'e arguidu komete aktu ne'e hasoru lezada.

Prokuradór akuza arguidu kontra artigu 145 KP kona-ba ofensa ba integridade fizika simples ho moldura penál tinan 3 ka multa konjuga ho artigu 2, (a) 3 (c), 35 (b) no 36 LKVD.

Produsan ba prova sira

Iha julgamento, arguidu konfesa parsialmente ba faktu hotu iha akuzasaun katak foti ai-sanak baku duni dala ida lezada nia kotuk laran, maibé kona-ba akontesimentu iha fulan Dezembru 2020, arguidu apenas basa dala ida iha lezada nia hasan parte loos, kona-ba rasta ne'e la loos.

Alende ne'e lezada kontinua konfirma faktu sira iha akuzasaun no deklara katak depoisde akontesimentu arguidu ho lezada separadu no too agora arguidu la tau matan ba sira nia oan nain rua.

Alegasaun finál

Prokuradór haktuir katak mezmu arguidu konfesa faktu parsialmente maibé lezada kontinua konfirma faktu iha akuzasaun, prokuradór haree katak violénsia doméstika aas tebes, nune'e husu ba tribunál atu kondena arguidu ho pena prizaun tinan ida suspende tinan ida.

Entretantu defeza husu ba tribunál aplika pena multa ba lezada tuir arguidu nia kapasidade ekonomia no sirkunstánsia arguidu nian.

Desizaun

Depoisde avalia faktu sira hotu tribunál prova katak iha 20 Juñu 2020, arguidu lori ai-sanak baku dala ida lezada nia kotuk laran rezulta metan no bubu, tuir mai iha Ioron ne'ebé la apura maibé iha Dezembru 2022, arguidu rasta lezada tun ba rai no basa dala ida iha lezada nia hasan parte loos rezulta moras no bubu.

Bazeia ba faktu provadu sira ne'e no tetu mós sirkunstánsia hotu-hotu ne'ebé haleu krime ne'e, nune'e tribunál konklui prosesu no kondena arguidu ho pena prizaun fulan neen suspende ba tinan ida no selu mós kustu judisiál US\$ 20.00.

20. Krime ofensa ba integridade física simples ho natureza violénsia doméstika

Nú. Prosesu	: 0097/21.BBMLV
Kompozisaun	Tribunál : Singulár
Juis	: Dr. Naason M. A. Marques Doutel
Prokuradór	: Dr. Rafael Jeronimo Gusmão
Defeza	: Dr. Domingos dos Santos
Desizaun	: Pena prizaun tinan 1 suspende ba tinan 2

Iha 30 Janeiru 2023, Tribunál Judisiál Primeira Instânsia Suai prezide julgamento leitura

sentensa ba krime ofensa ba integridade física Simples ho natureza violénsia doméstica ne'ebé envolve arguidu EFH hasoru nia feen, iha Munisípiu Bobonaro.

Akuzasaun Prokuradór

Prokuradór akuza katak iha 12 Outubru 2021, iha oras tuku 20:00 kalan, lezada tuur hela iha veranda, tanba laran sae lezada tafui hela deit kabén, bainhira arguidu nia maun lao mai lezada tafui kabén, nune'e mosu desentendimentu entre lezada ho arguidu nia maun. Ho nune'e bainhira arguidu haree lezada diskute malu ho arguidu nia maun, arguidu rasta lezada monu tun ba rai no lezada nia kidan kona fatuk rezulta moras iha lezada nia kidan no arguidu lori liman tuku dala ida iha lezada nia ibun halo kanek no raan sai no tuku dala ida iha lezada nia matan fukun parte karuk halo metan no bubu. Arguidu kontinua tuku tan dala ida iha lezada nia reen-toos no arguidu rakut tan lezada nia kakorok rezulta hanek ki'ik no ikus liu mak arguidu rasta lezada no halo monu lezada ba rai rezulta lezada nia isin lolon kanek hotu.

Prokuradór akuza arguidu kontra artigu 145 KP kona-ba ofensa ba integridade fizika simples ho moldura penál tinan 3 ka multa konjuga ho artigu 2, (a) 3 (c), 35 (b) no 36 LKVD.

Produsaun ba prova sira

Iha julgamentu arguidu konfesa parsialmente ba faktu iha akuzasaun, arguidu deklara katak momentu ne'eba lezada tafui kabén ba arguidu nia maun no diskuti malu, arguidu deklara tan katak momentu ne'e hirus lezada no basa dala ida iha lezada nia hasan parte karuk, arguidu rejeita kona-ba faktu sira seluk.

Alende ne'e lezada kontinua konfirmra faktu sira iha akuzasaun no deklara katak depoisde akontesimentu sira separa no too agora arguidu la fó alimentasaun ba sira nia oan. Lezada haktuir katak momentu tafui kabén tanba isin rua.

Alegasaun Finál

Prokuradór haktuir katak, iha julgamentu ne'e arguidu konfesa parcial maibé parte seluk lezada nafatin konfirma faktu sira iha akuzasaun no depoisde problema sira separa no too agora arguidu la fo alimentasaun ba sira nia oan, nune'e mós krime violénsia domestika aas tebes iha area Bobonaru nian, nune'e atu halo prevensaun ba krime ne'e husu ba tribunál atu kondena arguidu tuir nia aktu.

Entretantu defeza husu ba tribunál atu kondena arguidu ho pena multa, tuir arguidu nia kapasidade ekonomia.

Desizaun

Depoisde avalia faktu sira hotu, tribunál prova katak arguidu rasta lezada monu tun ba rai no lezada nia kidan kona fatuk rezulta moras iha lezada nia kidan no arguidu lori liman tuku dala ida iha lezada nia ibun halo kanek no raan sai no tuku dala ida iha lezada nia matan fukun parte karuk halo metan no bubu. Arguidu kontinua tuku tan dala ida iha lezada nia reen-toos no arguidu rakut tan lezada nia kakorok rezulta hanek ki'ik no ikus liu mak arguidu rasta lezada no halo monu lezada ba rai rezulta lezada nia isin lolon

kanek hotu.

Bazeia ba faktu provadu sira ne'e hotu tribunál konklui prosesu no kondena arguidu ho pena prizaun tinan ida suspende tinan rua.

Atu hetan informasaun liutan favór kontaktu:

Ana Paula Marçal
Diretora Ezekutiva JSMP
Telefone: 3323883/77040735
Diresaun e-mail: ana@jsmp.tl
info@jsmp.tl
Website: <http://jsmp.tl>